

kat.komp.



BIBLIOTHECA
UNIV. JAGELL.
CRACOVENSIS

379843

379850

Mag. St. Dr.

III

EX
LIBRIS
JAROSŁAWA
DOLIŃSKIE
GO


1500



379848

379850 III





~~Ex libris principis Petrovi~~
~~Ex libris principis Petrovi~~
~~Ex libris principis Petrovi~~
Ex libris principis Petrovi.

1730 - 33

216
+ 217

29
DII PENATES

Ferrea Ætate

Adamantinam PORTAM

Ceu Domum Æternitatis

INCOLENTES:

Sub Festum ECCE Solennis Ingressûs

In PALATINATUM Vitebscensē

ILLUSTRISSIMI DOMINI,

D. MARTIANI

De KOZIELSK

O GINSKI,

post CASTELLANOS Fasces

Magni PALATINI,

CAPITANEI Borysoviensis, Przeval-
scensis, Babinoviensis, &c. &c.

Publico Orbis Cultui

EXPOSITI:

à maximè Devota Illis Minima Societate

Sacrificio Laudis

HONORATI,

Oratorio verò Capite

In Infimo Stylo profundissimè

ADORATI.

Anno quo

sVCCeDet faMâ, VIVVsqVé per ora feretVr.

Virg. Æneid:l.12.

30 In Characteristica ILLUSTRISSIMÆ
Domus Decora,
Quæ magnis olim patefacta Triumphis. *Proport:*



379850

III.

Jupiter in Terras visu jaculatus ab Alto,
ILLUSTRES toto lustrat in Orbe Domos;
Obviat ast Oculis confestim PORTA Ducalis,
Suspicit, atq; Tonans inquit: Olympe vale!
Migremus dixere Dii, migremus ab Astris;
In Te claude Polum cum Jove, PORTA PATENS.

34

ILLUSTRISSE
PALATINE.



Adunum est vel redivivo e-
loqui Tullio, quantum no-
vam à candidis in Te Votis
Albaniam, Albam Russiam
delectat Metaphora, quā
Festū Translationis Tuæ,
à Castellana Curuli ad Palatinam Orche-
stram celebratur. Verū parce liberalissime
ad veniam PALATINE! prima Exordii frō-
te erravit Orator. Ruunt simili casu etiam
alta Ingenia, ubi Altiora se ipsis, metiun-
tur. Idem quandoq; evenit magnis Capiti-
bus, in publico Sole maxima narraturis.
Opprimitur etenim persæpè à Gloria, qui
Herouū Majestatem animosius scrutatur.
Non unam igitur Provinciam, sed Sarma-
tiam, Europam, Orbem delectas, quā pri-
mū de Vertice Castellanae Satrapiae, in
sublimius eluctaris Culmen, ut palam fiat

ACal-

Calcaneo Tuo Gradum esse, quod vel fastu
 laboranti Capiti, Fastigium videtur. Ni-
 mirum supremi Honorum Apices, cum
 sciant se infra Ducalis Nominis esse Alti-
 tudinem, occurrunt supplices & postulant
 elevari. Hinc erubescit Murex, qui in
 huiusmodi non rubet Humero, à quo Ge-
 nus sumit Exornativum, cum aliis ipse
 tribuat. Provocant suam in se Securim
 Fasces, quibus securum creditur, extra il-
 las morari Manus, quarum nutu stat Patriæ
 Fortuna. Minores seipsis proclamantur
 Tituli, qui extra tantæ Celsitudinis sunt
 consortium, ac si indigna suo nomine cense-
 retur Dignitas, quin ardentibus Votis O-
 GINSCIOS sibi precaretur. Non Tu
 itaque secundam Trabeam, sed Te illa se-
 cundè quæsit, & nisi admitteres, quere-
 retur. Ultrò venit ad Avitam PORTAM
 Palatinus Honor, ubi dum Te invenit, non
 latet Orbem, quam vocales ubique plausus!
 quam liquida gaudia! quam non popularis
 inter Populos hilaritas! quasi ipsæ Feriæ
 luderent Protbeum in Dominicâ Lætare.
 Rede-

23

Redeunt Tempora, quæ cum Aureo avo-
lârunt Sæculo, ut pretiosum in conspectu
Orbis videant Magnatem, & tamdiu Ma-
gni Senatoris trabeato assistant Lateri, do-
nec ter Beatus in vita, à tertia fias Pur-
pura, eâq; primâ, inter Majores Regni Fra-
tres. Et verò dignus es accipere Honorem,
qui totum Te reddis Reipublicæ. Iterum
ergo progredere ad Ædes Honoris; mutus
Orator Pagina occurrit, quæ tamen liber-
rimum Pectus flagitabit a Superis, ut totus
audiat de Illo Orbis, qui vel ex Memnone
argenteam vocem, sub purpureum denuò O-
rientem suscitaret. Clarescet proculdubio
nativa sepiæ fuligo, ab OGINSCIANO
Nomine refracto fulgore, nec frigidi Ora-
toris feremus crisim, dum solito ferventior
fiet Svada ab Objecto. Alibi dicat quispiam,
quod dictat Assentatio, ab Illustrissimi Agno-
minis Tui Etymo, flammam concipit Affectus,
ut Sole clariorem pariat Veritatem. Subli-
mè tamen non volabit penna, ut & le-
vitatis minimè incusetur, dicendorum gra-
vata multitudine; & adorare potius,
A2 quàm

34
quàm metiri Tuam Magnitudinem videatur. Illa tamen prima est Oratoris fragilitas, quòd Fragmenta nonnisi Tuarum Virtutum, Lechiæ porriget ad gustum, & solas Benemeritorum Reliquias dabit Orbi ad reverentiam. Nec mireris! tanta egisti, ut Immortalitatis non sufficiat Volumen, plura feceras, quàm Oratorum valeant Ingenia; unde & nostro Defectui dabis indulgentiam, & qui magna legent in foliis, majora de Te cogitabunt. Et certè quid parvarum Periodorum atomi? si Tomi Te non capient; quid angusti Paginarum Margines? ubi Oceanus dicendorum. Pingemus interim utcunq; literariis umbris Solem, à quo Minima Societas, Magnam habet Protectionis Umbra, cumq; sit nonnihil fusca, à pullato amictu; semper profusis Gratiarum radiis serenatur. Cum verò singulariter Torrente Munificentiae inundetur, Fontem coronat Foliis Panegyricis:

NOMINI & HONORI

Obligatissimum Collegium
Vitebscense Societatis JESU.



PANEGYRIS.



Uirinalis OGINSCIO-
RUM PORTA, *Latina*
est Oratoribus, quam nec
licet, nec expedit ingre-
di, præterquam Capite,
ut non sit Oratio, nisi si-
mul adoratio. *Illustrissime* Palatine. Et
verò non magis Titan Aquilas, Magnes
ferrum, succinum Terræ allicit lanugi-
nem, quàm Ducale publicæ felicitatis
Ostium Tullios; qui septemfluo Svadæ
Nilo, portum quærunt in PORTA, ne
in Rubro verecundiæ Mari naufragen-
tur.

B

34 tur. Damnatur etenim ad obscurum Genus Eloquentia, si per hujusmodi Limen in publicum non prodit Solem. Vix unquam liberum habet passum Facundia, nisi hâc PORTA Orbem intret, quæ cum Ipsa pateat, os aperit Oratorum. Hinc certè ungunt Illam suaviores Eloquio mellei Platonēs, insternunt floridi styli rosis Hortensii, ornant phalerata Dictione Plinii, cingunt demùm aureo torque Gallicani. Involant Mitratos Postes eruditæ pennæ, ut in aureis Illorum laminis, indelebile Elogiorū formēt Characterē. Excubat ad PORTAM cataphracta Pallas, jamq; Ingenii acie, jam sublimi stylo, Gloriæ militat OGINSIORUM. Adorant triumphalem hunc Arcum, cernuo vertice Oratores, & pro alato Getarum telo, acutiorem in Encomia aptant Calamum, pro barbaro Tauricæ nervo, nervosam in filo devovent Dictionem. Nec rarò præ reverentia Ducalis PORTÆ, à longè non trita subsistit Svada, ut à sæculis tritas penitus inve-

investiget semitas, quibus Virtus, Honor, & Fortuna tractim procedebant. Videt hîc ad invidiam aliorum *Viam Aquilæ*, quâ Lecheus Ales PORTÆ, ceu Domui Solis, avidam lucis inferebat pupillam. Advertit, jam *Viam Flaminiam* à splendore Meritorum in Patriam illustrissimam, jam *Aureliam*, à ferreis pro Aurea Libertate Bellatoribus. Intuetur quoq; *Viam Regiam*, quâ Sarmatiæ Regnatores palmari Affectuum ibant passu; spectat deniq; *Viam Juris & Facti*, quâ immortalia agendo, perennaturam sibi Famam OGINSCHII evicerunt. Audaciores nihilominus nos reddit Palatina in Omnes Humanitas. Secure namq; ingredimur, coronatum Lauris Palmisq; Ostium, & adamantino Lysippi stylo æternaturos in ipsa Fronte scribimus Titulos: OGINSCHIORUM PORTA *Domus est Deorum, & quot Nominum, tot Numinum, totq; Semideorum basilicum Palatium.* Exulta jam Lechia! habes in terris Olympū, quem vel ipsi Titanes centimano ausu

28
aggredi formidabūt. Plaude RUSSIA! en
novum extra Latium Pantheon, tot Deo-
rum, quot Virorum. Triumphā Litvane
Orbis! en secundum extra Quirini Ur-
bem Capitolium, publico Populorum
cultui erectum, in quo viva Heróum Si-
mulacra digna Aris, digna Apotheosi,
etiam Livoris nube indutus oculus pal-
pabit. Victa jam est Græcia, victa Roma-
na superstitione cum Deorum Exercitu,
quem ut impiè coluit, ita inaniter me-
tuebat. Nimirum utriq; & ficta amoris,
& picta terrori fuere Numina. Lunabat
superbā cervicem suā Diis Vetu-
stas, vel ex eo animato par trunco, quod
illi fuerit ex omni stipite Mercurius.
Cædebat victimam Deastris, cæsa in Ca-
pite Antiquitas, cumq; innumeris litâf-
set sanguinem Numinibus; multum eru-
buit, quod Unum numerare ignoravit.
Procul itaq; Dii Gentium, procul de o-
tiosis Ingeniis in lucem edita Figmenta,
OGINSCIORUM PORTA Numinum
est Sacrarium, tunc ferrea Immortalita-
tis

tis structum Manu, cum Orbis condere-
tur. Et certè nascuntur hic non fabulo-
so partu *Joves*, publicæ Fortunæ *Stato-*
res; à Capite ad mentem Patriæ *Capitoli-*
ni, à fatalibus Hosti feretris *Feretrii*, nec
Turres sed Terras aureo imbre inundā-
tes. Ministrat Illis, Sarmatiæ quoq; Vo-
lucris trifidum fulmen, ut ferali eos ca-
stigent plaga, qui frequenti Bellonæ
fulgure, Patriam terrent insolenter. Vi-
det hic etiamnum Orbis, Auream Æta-
tem, Lechiæ inferentes *Saturnos*, non
alia armatos Falce, quàm adunco Lache-
sis ferro metuenda, ad Messē Gloriæ
expedita; & vel ideo ad *Falcatos* in ho-
stem apta *Currus*, quòd apprimè novit,
Capita metere Aureæ Libertati inimica.
Inhabitāt etiam PALATINAM POR-
TAM *Mercurii*, pro Bono publico ala-
ti, semperq; Patriæ, bonæ diei Nuntii,
ad Caduceum æquè ac Scipionem eru-
diti. Et quidni vestrum est *Legatos* esse
non à *Latere* tantum, verum & à Cor-
de Sarmatiæ, dum non alia Vobis Elo-
quen-

quentia, quàm Numinum Reipublicæ
 Tutelarium, non alia loquendi phrasis,
 quàm accommoda Stylo Libertatis. Me-
 tueret sibi Orator, nisi ferreos OGIN-
 SCIORUM Postes, *Martis* Conclave
 solenni Svadæ Classico promulgaret. So-
 lem equidem negat, qui à Ducali Domo
 Numina belli excludit. Facilius est, hic
 nasci Gradivos, quàm olim fuerat fabu-
 lam de Marte texere; citiùs inde robu-
 stiores in Aciem ibant Athletæ, quàm in-
 fensa Patriæ Signa provocarent. OGIN-
 SCIORUM est etenim, ignescere sub æ-
 stum Bellonæ, excitare ardorem pugnæ,
 inflammare Commilitonum pectora, suc-
 cendere Hostium Manipulos, urere In-
 cendiarios Patriæ & damnato ad mortu-
 ales umbras Inimico, illustrem reddere
 Victoriā. Ut verò ab oppositis magis
 elucescat Svada, OGINSCIANUM est
 Belli tempestate non extingvi, Ad-
 versariorum tabo nutriri, sanguineo
 nimbo foveri, cruentoq; Martis diluvio
 citra dispendium Illustrissimæ suæ Glo-
 riæ

riæ innatare. Loqvuntur sæcula, narrat
Immortalitas, quid Gladius vester in A-
cie agebat? signabat ille ad ignominiam,
Hostium Capita sine fronte, feriebat Fa-
ciem, ut fuso sanguine, Palmam præri-
pere erubescerēt. Secuit hostiles venas,
ut Patria melius valeret, messuit colla,
quatenus vel de inanimi Trunco Laurus
cresceret; penetravit viscera, ut cum
sanie, fluens vitæ Horologiū emanaret.
Amputabat deniq; uno ictu sexcentas
Inimicorum dexterās, ut sinistram à
Lechia averteret Fortunam. Alibi indu-
unt timidum pallorem, viso sanguine,
ornati Purpurâ lacerti. Nescit quandoq;
Mucronem vibrare, nata ad Fasces ma-
nus; nihilq; ita Illustres formidant Ani-
mæ, quàm è Martio pulvere prognatā
lucem; nullo tam facilè terrentur, quàm
strepitu Armorum. At Vestrum est Fa-
sces Ensi, Mitram Galeæ, Sago Trabeā
sociare. Militare nāq; Exercitiū, Dome-
sticum est Vobis, dum vel prima Vitæ
Rudimenta præliis expolitis. Si ubi? in

hac Domo aurei nascuntur Viri, qui
Struthionum more ferro nutriuntur,
& Hostium mortibus vivunt Immorta-
les. Non latet Orbem, quam ferii fitis
inter Ludos Martiales, quàm celeres in
Campo Martis ad Victoriā, quæ fa-
tis se inurbanam crederet, si ultrò tan-
tis Heroibus non occurreret. Vestro
Nomini non parum debet Patria, quòd
hactenus *Rossiacus* Ales, lugubri indu-
tus atrore, illorum deplorat funera,
qui cusis è chalybe ligonibus, vel vivam
tumulare Lechiam promittebant. Nec
inviti Herbam porrigebant Barbari,
quibus ad Gloriam cedere videbatur,
quòd illa Manu cæderentur, quam eti-
am Hercules formidaret. Laborabat fe-
bri, pavidus jam *Sudermaniæ* Leo, cùm
Vestram Fortitudinem cogitaret. To-
ties Ducalis Nominis victa terrore, jam
sangvine rubuit, jam metu pallebat O-
thomanica Cynthia, quoties Polonæ Li-
bertati compedes, ferrum, ignem, tu-
mulos minabatur. Volebat nempe cor-
nuta

43
nuta Phòébe viscera Sarmatiæ scrutari,
verùm in OGINSKIIS Martios Arietes
opponebat Patria, quos sensit Hostis &
doluit, cùm Vitam fundere cum sangvi-
ne cogeretur. Didicit profectò per ex-
perientiam Lernæa hæc Hydra, etiam
in Septemtrione nasci Alcidas, in Duca-
li PORTA inveniri Mavortes, quibus
faciliùs erat monstrosa metere Capita,
quàm Aliis fulmineum de vagina strin-
gere Mucronem. Retrofistis quoq; ha-
ud semel adamantino clypeo, felle co-
lubrino pota Scythiæ jacula, quæ mit-
tebat fursum, hostilis Furor, ut altiore
nisu, librantem sese Poloniæ Alitem, de-
super ferirèt. Vestrum erat Tauricanos
frangere Arcus, pharetrarum scindere
nervos, & rupto vitæ staminæ ad Tar-
tara damnare Tartariam. O Magnam
Deorum Domum, Mitratam PORTAM!
quæ toties Gradivum Patriæ provide-
bat, quoties dubia Belli Alea, in hosti-
co erat jacienda. Numeret stellas, si
potest, qui hujusmodi Heròas ad calcu-

D

lum

lum vocare Optationis laborat Figurâ.
Nobis sufficit dixisse, Te vivam esse
Omnium Synopsim, Te enucleatam Il-
lorum Iliadem & Virum Nominis sui
MARTIANUM. Jam tandē reverentiùs
Calame! Palatinum Ostium Basilica est,
quam Magnum Terrarum Numen HO-
NOR inhabitat, jamq; dicatum olim Ro-
mulea in Urbe Fanum dedignatur. Quã-
doq; Phœbi tantum radiis illustrem
videmus Domum, quam clariores fugi-
unt Tituli, ne in tenebras offendant.
Adeo rarus Hospes, in parvis Ædibus
Magnus Honos, ut ingentem admirati-
onis incurrat notam, si vel primum for-
met passum, ex Voto, humiles visitan-
di Lares. Ast Tua Magne PALATINE
Domus, Maxima est à Majoribus, Illu-
strissima à Ducali Fulgore, Celsissima à
fastigiis Dignitatum. Et certè derogant
Authoritati suæ Prærogativæ, quæ mi-
nimè rogatæ ultrò se & violenter O-
GINSCIANÆ PORTÆ non intrudunt.
Hinc difficilius est Solem in Æthere,
florem

45
florem in Horto, aureis in Montibus obryzum invenire, quàm in Trabeata hac Domo Honorum ac Heroum Insignia. Si ubi? hic videat Orbis laurigeras Dynastarum Secures, Reipublicæ securitatem tuentes; Herculeas Ducum Clavas, hostili Antæo formidabiles, Antistitum demum Annulos, & Polycratis gemmâ feliciores & Pyrrhi adamante digniores. Pulsant alii Senatorium Conclave, nec audiuntur. Alliciunt votis, provocant suspiriis, trahunt Fortunæ suffragiis Dignitatem, quæ tamen eò velocius fugit, quò celerius insequitur Competitor. Venantur non pauci Titulos, explicant pro hac præda Timothei casses, nihilominus noctuq; diuq; laborantes, nihil capiunt; præterquam publicum risum & jocosos Populi sermones. Non cadit in Vos frequens aliàs censura. In Ducali namq; PORTA nascuntur Purpuræ, pullulant Fasces, crescunt Scipiones, & quemvis hac de Stirpe natum, blandè vestigant, ac spon-

46
tè ambiunt Curules. Procul centum
Thebarū Portæ, PALATINUM Ostium
Palatium est Honorum. Nec mirum,
revocemus retrolapsas Sæculorum Cē-
turias, uno ore loquentur, de hac Do-
mo Illos nonnisi prodiisse, qui Palmam
ferebant in Castris, Famam inferebant
Astris; & talia agebant pro Patria, ut
erubesceret nonnihil, quòd in præmia
non sufficeret. Illorum erat Orbem im-
plere Gestis, Fastos superare Rectefa-
ctis, sibi utiq; ad perennem memori-
am, Sarmatiæ ad Gloriam, Posteris ad
Exemplar, exoticis Regnis ad prodigi-
um. Debebatur igitur immortalibus Vi-
ris non unus Honos, qui Magnus licet
fuerit, majorum Capaces semper inve-
nit, & quamvis sublimem se viderat,
Benemeritorum Magnitudini imparem
fatebatur. Errat persæpè Dignitas, dum
indignis se offert, ut clarescant Orbi,
aut Genere, aut Vitiis obscuri. Elevan-
tur Alii in Altum Fortunæ pennis, ut
graviolem timeant casum, rebus secun-
dis

dis nimiùm audaces. Quidam Avorum
adjuti Ceris, fursum nituntur cum Ica-
ro, quatenus vel de Fabula Historiam
reddant, vel Fabulis ingeri mereantur.
At verò Prædecessorum Tuorum erat
Gloria, quòd à summis Honorum Api-
cibus studiò quærebantur, quos palma-
ri Meritorum ascendendo passu, altiùs
evehebant. Ducales interim Majorum
Umbras, in Theatrum Panegyris non
inducimus, ne Illustrissimam Tuam Do-
mum metiri videamur ab Oppositis. A-
doramus profundè, alto silentio Manes,
quorum Fama vocalis est per Orbem. Et
verò quid nobis cū Aboriginũ Exuviis?
dum Solus Omniũ Animos induisti. Ni-
mirum Viva es Antenatorũ Imago, quam
Phidias in Gemma, Zeuxes in Cedro
poneret, si Heròum Epitomen expri-
mere moliretur. Satis est ergo, quòd
Prædecessores Tui, Fulcra fuêre Reipu-
blicæ, Libertatis Assertores, Legum
Arbitri, Patres Patriæ, in Sago & To-
ga, ad Aras & Focos memorabiles. Quin-

E

imò

imò vivunt Illi in felici Patriæ Recor-
datione, in Historia Domûs OGIN-
SCIANÆ, in Oratoriis Paginis, in ore
deniq; Senatûs Populiq;. Ast parum di-
xi? vivunt in Te, non secus ac Anchi-
ses in Pio Ænea, Priamus in Hectore,
Philippus vixerat in Orbis Domitore.
Tacet itaq; Svada antiquos Honorios,
ut impensius colat Præsentes. Laudat
obiter vetera, suis gloriatur Tempori-
bus, quibus Purpuratorum Patrum Al-
bo, ter Optimus, ter Maximus OGIN-
SCIORUM contigit Triumviratus. Tu
(inquam) *Vitebscensis, Illustrissimus* CA-
SIMIRUS Vilnensis, JOSEPHUS Tro-
censis, PALATINI. Metire jam Orbis!
quàm magnificæ Honorum Ædes, Du-
calis PORTA, tot Purpuris adornata,
tot Illustrissimis Titulis *Illuminata*.

Jam tandem in OGINSCIORUM
PORTA, Deas quoq;, erudito Capite
adora Facundia, ut palam fiat Hanc Do-
mum elevatam esse, supra communem
Hominum fortem, vel ipso tamen PA-
LATI-

LATINO Humanissimam. Domestica
profectò est Vobis Fortuna, nam semel
Ducali invec̃ta PORTÆ, fregit Rotam,
ne unquam discederet. Plures graviter
incusant inconstantis *Deæ* levitatem.
Ubiq; pænè Dies agit Hospitalitatis;
imò venit, ut fugiat; apparet, ut dispa-
reat. Nec miremur! cæca est, ex pro-
fesso errat ostiatim; * *lubrica est, nec in-
vita teneri potest*; vitrea est, vix molli-
ore tangas amplexu, frangitur; dolosa
demũ, etiã ingeniosos sui fallit Aucupes.
Ideo solũ è Vatum Commentis mu-
tuatur alas, ut ocyùs avolet dum ma-
nus porrigit; aut si rapitur quandoq;,
eripiat se, subitò ultra Nubes. Verũ
correxìt suam famam Fortuna, ubi Prin-
cipem OGINSIORUM intravit Do-
mum, cui æternaturo fædere vel in ma-
nuali orbita, se ipsam desponsavit. In
primo nempe huc passu, levior Dea di-
dicit gravitatem. In ipso PORTÆ in-
gressu oculos aperuit, ut suam videret
E 2 *lib. 7. cap. 1. feli-*

* Curtius Lib: 7.

50 felicitatem, quòd tam Sublimem, tam
Amplam incolet Domum; unde eju-
ravit illicò dolos, seq; immortalibus Vi-
ris adamantino Voto obligavit. Procul
Cæsaris Fortuna post serias & ludicras
Scenas, tragico clausa eventu! OGIN-
SCIORUM Felicitas perennis est, nec
mutari novit, nisi è bono in melius; nec
progredi valet, præterquam à minori
ad majus. Quanquam semper Magna
fuerat, quia in Maxima Domo moraba-
tur. Alibi rara Fortuna, sine infortunii
clausula; vix dexteram offert, abit in
sinistram, eò fallacior Dea, quò felicior;
quia nunquam frequentius fulminat,
quàm si appareat serenior. In PALA-
TINA Domo hujusmodi non dantur
Casus, dum adeo Illam adamavit For-
tuna, ut etiam pennas spontè rejecerit,
ne cogitaret quidè avolare. Nec Otio
indulget hoc Numè, dū in laborāte pro
Republica Domo, Senatorios plātat Fa-
sces, Tyrias textit Purpuras & continuo
accendit Ceras altissimæ Cognationis.
Verùm

Verùm quæ Ingenii vastitas? quod filū
Dictionis? ultra Europam fere proten-
sam, Affinitatis Tuæ Lineam metietur.
Æquor in concham, Montes in atomum
stringeret Orator, si Ducalis Confan-
gvinitatis Erythrā, vel mille pennis cir-
cumscribere conaretur. Non est Pur-
pura, nisi in Vestro etiam tingatur San-
gvine; non est tam Magnum Nomen,
quod à derivata in se OGINSCIANÆ
Domûs non crescat Majestate. Coro-
nant Mitratā PORTAM, jam Sarmatiæ
& Haliciæ Regum Diademata, jam
Ducum *Russiæ, Severiæ, Kijoviæ, in Kle-
wan, in Korec, in Ostrog* &c &c Nomina,
pridem Famæ lituo Terrâ Mariq; pro-
mulgata. Habes hic POTOCCIORUM
Pilavam, Primatiali Titulo Celsissimum,
WISZNIOWIECCIORUM *Phæben*,
Diem Solis accendentem, BRZOSTO-
WSCIORUM *Stapedē* meridianis splē-
doribus radiantem, TYZENHAUZO-
RUM *Taurum* Sarmatiæ Portitorem,
succollandæ Europæ sufficientem; ar-

gentes WOYNARUM *Tubas*, Gloriæ
Triumphum canentes; PACIORUM *Flo-*
res, langventem Patriā fulcientes. Habes
RADIVILLIORUM *Aquilam*, Lechicæ
Reginæ Volucrum coætaneam; SAPIE-
HARUM *Tela* pro publico Bono pen-
nata, Avita PUZYNARUM Decora,
BIAŁŁOZORORUM quoq; *Caput* Pa-
triæ & Ecclesiæ Devotum. Taceo Ali-
os, ne Actum agam, & scienti optimè
Orbi, illud narrem importunè; quod
pridem Oratoriæ loqvuntur Paginæ,
OGINSCIANI Nominis, vocalissimi
Præcones. Non ægreferes deniq; Magne
PALATINE, nam arduum est humili
Capite, in Alto Cognati Rubiconis fun-
dum invenire. Gordius Nodus Oratori,
longa Sæculorum serie, concatenatum
Familiarum nexum ex integro enodare.
Satis est, quòd fluebant calentioribus Vo-
tis affines Cerae, ut PALATINUS Mu-
rex Tuos influeret Humeros, quibus
Patriæ Olympum redivivus sustentas
Atlas; nec eges Alcide, ut succedat in
onus,

onus, cui Honos incumbit, nec gravat,
quia Grādioribus Titulis aptum experi-
tur. Fuerit quondam *Virtutis Atri-*
um Septicolli in Urbe, OGINSCIANA
PORTA, verius est hujusmodi Deæ Sa-
crarium, dum Nulli inde prodire licu-
it, nisi cum numerofo Virtutum comita-
tu. Cultior tamen erit Facundia, si Di-
gressionis rejiciet Figuram, ut nullus
sit sermo, nisi de Te. Imò nec Tibi suf-
ficient Svada, qui plura egeras in Ostro,
quàm Tullii valent Rostra. Propalabi-
mus interim vel ex parte, quod Orbem
non latet de toto. Gustemus saltem,
quàm svavis Cœlo? quàm dulcis es Pa-
triæ? ab innata Tibi Probitate. Ita for-
matus es à Natura, ut videaris vivere Æ-
ternitati. Obtigisti fatifcenti senio Pa-
triæ Senator, qualem retroacta opta-
bant Sæcula, secuturæ Ætates mirabun-
tur. Exulat non rarò ab Aula Virtus, vi-
lior facta inter pretiosa Ædificia. Eru-
bescit quandoq; suas Purpura maculas,
lacrymis nonnisi abstergendas. Sæpè

Sarbie-
vius.

Magnatum Palatia, Vitiorum sunt semi-
naria; nec crescit Virtus, ubi surgit in
altum Domus, ac si improbum esset, co-
lere Probitatē. Verū Illustrissime PA-
LATINE Te videns, *Virtutem Dominam*
quis neget esse Domi. OGINSCIUS es!
Columna (inquam) *Ignis* Patriam
fulciens, Virtutum petens sublime, Or-
bi lucens Benemeritis, Amore ardens
Reipublicæ. Vivis non Tibi sed Patriæ,
cujus Filius cū esses, Pater fieri voluisti.
Cernat Te, cui vivam Optimorum Ico-
nem intueri placet; Te noscat, qui non
novit Compositum ex Virtutibus, nam
rarus sine nævo præter PALATINUM.
Pro Oraculo habetur, quod de Oris Tui
prodit Cortina. Theatrum moderatio-
ris Animi censetur, exporrectæ Fron-
tis Majestas. Nec alio Manus compel-
lamus vocabulo, quàm apertas Munifi-
centiæ Aurifodinas. Toties fuisti Palæ-
monii Areopagi Superarbiter, & sem-
per Astræam desuper revocabas; sem-
per novus Aristides, alter Justinianus
&

25
& Lycurgus audiebas. Noveras enim bene, quod fortiùs Regna tuetur Æquitas; quàm Trojam Palladium, Romam Cœlo lapsa Ancilia. Induisti itaq; *Thoracem Iustitiæ*, nec argenteis telis penetrabilem, nec aureo Philippi Ariete lacerandum. Ponebas Causas in Iudicii Libram; ut sola merita non munera ponderares. Oculata Tibi fuerat Themis, ne cæco modo forenses lites componeret; Tu verò ad auri fulgorem claudebas palpebras, ut meliùs Iustitiæ provideres. Plaudebat Æquitas, plangebat scelus, cùm Directricē Virgā Illa amaret, istud metueret. Et meritò, experiebatur enim Insons favorem in Iudice, at crimina Legem in Codice, servare cogebantur. Alibi vel aurum vel pretiũ Sangvinis agit Causidicum, nec rarò Victoriã canit ante Triumphum. Tu *Illustrissime* PALATINE formabas Decreta, quæ Polus subscriberet; ferebas ultimam Sententiam, quæ prima esset Superis, si Terras vocarent ad Tribunal.

nal. Sunt qui Judiciariosprehendunt
 Fasces, ut bipēnē præferant ad terro-
 rem, & crudi homines & crudeles. Rea
 illis quandoq; etiam Innocentia, ple-
 ctunt graviter levio rem noxam, imò
 ibi Culpam inveniunt, ubi non est. In
 Te nec Cenforius Cato hanc labem no-
 tavit, dum mansuetiorem in Omnes Ani-
 mum, severitate; rigorem Justitiæ,
 Clementiâ temperasti. Magna raritas,
 Magnatum Pietas, nam pluribus immer-
 si curis, incurii sunt in cultu Numinis,
 pro Focis Patriæ plus æquò solliciti, A-
 ras obliviscuntur. Tu Illustrissime Do-
 mine ita Vitam devoves Reipublicæ,
 ut Devotionem à Te non excludas; ita
 publicis Commodis litas Opes, ut in
 DEUM quoq; sis Liberalis. Senatorium
 esse arbitraris, Altaria argento orna-
 re, Mystas auro induere, Sacrata Supe-
 ris Delubra serico vestire. Clamat non
 unus lapis de pariete Basilicæ Nostræ,
 basilicam PALATINI Munificentia; non
 surgeret enim hoc Augustum Sanctua-
 rium,

*Insignis
 Benefa-
 ctor Tem-
 pli Collegi-
 vitebsc:*

rium, nisi gratiosâ Dexterâ elevares. Supra conceptum est, etiam ingeniosi Oratoris, quis Tuus in Immaculatè Cōceptam Animus? quæ in Reginam Poloniae Pietas? tenes ultra decennium Mariani Regni Sceptra, & quotannis sub Festum Intaminatæ Originali nævo Virginis, noctem quoq; vertis in diem, illa luce, quam triumphales Machinae exhalant. Donas Te itaq; & Tua Superis, Illi etiam faventiores se Tibi probârunt, postquam redimitum Mitrâ Principem, Natorum Coronâ cinxerūt. Primus Eloquētiae frōtē incurrit IGNA-TIUS Castrametator M.D.L. Capitane9 Braclaviensis, verè *Gloria Succedens Patri*. Intulit sese ad ensē natæ Illius Dexteræ, Regale Labarum, aut veriùs prima Cataphractæ Militiæ *Auriflamma*, ut communi Orbis iudicio, Aureus Patriæ, Igneus hosti censeretur. Non semel Legatus ad Regni Comitia, semper Comitem habuit, publici Boni Amorē; nam multùm laborabat Capite, ut sano

Confilio ægris Patriæ rebus medere-
tur. Quoties Oratorem egit pro Re-
publica, toties redivivus Cyneas, toti-
es in Flore Ætatis maturior Eloquio
Nestor audiebat. Auget Magni Proge-
nitoris Gloriam, Par nobile Fratrum,
CASIMIRUS & THADDÆUS à DEO
utiq; dati, Tibi in solatium, Patriæ in
Fulcrum, Summis Honoribus in Colu-
mnam Terminalem. Stabit laben-
tibus sæculis Laus **STANISLAI**, Acade-
mici adhuc Tusculi Papirii, qui publicas
Spes de se, indies auget, jam Pietate, jam
Sapientiâ *Filius Accrescēs*. Verbo: unum
Omnium augurium, quòd Illos Fasces
ac Trabeæ, Claves ac Clavæ Reipubli-
cæ expetunt, & expectant. At verò
FRANCISCUM in Maximum Decus,
Minimæ obtuleras Societati. Aget ille
ad Aras pro Domo Tua Oratorem, idq;
unitis viribus, cum sparsa per Orbem
Religione; quæ satis fit Collecta, ubi
pro **PALATINI** incolumitate, loquitur
cum Superis. Taceo Dimidium quon-
dam

dam Animæ Tuæ geminas TERESSIAS,
illas olim Orbis Pulcherias, Sarmatiæ
Lavinias, Optimas à Pietate Bonas, nūc
ab Astris in Te prospicientes, & gra-
tiosos Poli Influxus in PALATINAM
Domum derivantes. Vixissent utinam!
de nostris adderemus annis, Quarum
Munificentia *Annos Gratia* vivebamus.
Verum sufficit Nobis Gratia Tua *Illu-
strissime* PALATINE, cum qua quoties
Gratitudo Nostra certavit, semper vi-
cta, ad Senatorios Pedes sternebatur.
Prædicabimus ergo uno ore profusam
in Nos Liberalitatem, inarabimus pe-
rennaturis Annalibus Gratias, ut legat
Posteritas & colligat, Te novum Nobis
fuisse Titum, Te Vespasianum, Te A-
tavis editum Principibus Mecænatem.
Et quidni IGNATIUM *de Lojola* ames
in Ejus Filiis, qui ex ipso OGINSCIA-
NI Nominis etymo, clarissimo proba-
ris Argumento, esse *Ignis à DEO illatus*
Sarmatiæ, ad splendorem. Progredere
igitur fortunato passu in PALATINÆ
H Digni-

Dignitatis Culmen, Qui Senatorium induisti Laticlavium, ut non unam Virtutem splendidius exornares. Ascende PALATINUM Apicem, Cordibus prius, quam Liberis electus Vocibus: hæc interim Dignitas Gradus erit, non Terminus. Majora etenim spontè obviabūt, cū Maximus sis & Sāgvine & Virtute. Certabunt Purpuræ, Sūmusq; minorem præcurret Honor, ut aures quærat in pedibus PALATINI. Subsiste jam Paegyris! imò in profundiorē cade Cultum, ut Senatoriam coronans Plantam, vel sublimi itylo altius eleveris. Nos verò, qui in altissimis quia de Te Sensibus, profundè adoravimus Ducalis PORTÆ Deos Penates, Deorum Immortalitatem, & Vocibus & Votis & Calamis precamur Magno PALATINO.

Quid ultra?

*Continuent Superi pleno concessa favore
Gaudia, successusq; novos successib9 addant.*




120



P. P. DOM KSIĄŻKI
— ANTYKWARIAT —

003954

Biblioteka Jagiellońska



stdr0026429

